

欽定戶部漕運全書

欽定戶部漕運全書卷十九目錄

通漕運艘

僉造漕船

僉造漕船

一安慶新安宣州建陽金山鎮江蘇太鎮

衛并江西省各衛所船隻定例給各丁料價在

本地地方設廠成造

議單  
舊本

一湖廣省各衛所船隻定例糧道將料價分發

武昌漢陽二糧廳在於武漢二廠均分成造

議單

舊本

一漕船造完將委官匠作姓名及打造年月刻

鑿船尾該漕運衙門驗烙倘先期損壞者追治

監造員役

議單  
舊本

一官員奉委修造船隻或謊報朽爛或修造未竣報稱已完或將朽爛船隻冊報掩飾者俱降  
二級調用承造船隻推諉不行監造或不能依  
限完竣者各降一級調用該管官督催不力者  
罰俸一年如朽爛船隻不估價申報者亦罰俸  
一年

議單  
舊本

一船隻不足不早爲僉丁補造又不設法雇募  
者降一級調用經管僉造漕船不力玩愒者罰

俸一年衛所官員解送漕撥船隻遲悞朽爛者

罰俸一年

載中樞政考

一僉丁造船查照成例不許串爲一名朋造隱

匿作弊如衛所官弁不行嚴查監造卽行題叅

照違令例嚴加議處

康熙二年

一漕船僉造之年如有衛所官員帶領軍糧軍

戶勒索幫貼等弊該督撫嚴查禁止如有違犯

者指名題叅

康熙四年

一造船屯丁康熙四年定例不僉不解責在府

廳衛所解丁不造責在糧道該督撫指名題叅  
一江西漕船有長江鄱湖之險非巨艦不能利  
涉康熙三年漕運總督林起龍題請照舊僉造  
康熙四年河道總督盧崇奏請改小康熙六年  
兩江總督卽廷佐以各船皆係巨艦概行改小  
勢所不能奏請加載之數減去三百餘石由關  
河而行可無膠淺之患

一漕船十年限滿康熙四年定例嗣後必須嚴  
查確實應打造者打造應修艚者修艚仍將每

年修造船隻若干造冊題報又嗣後務須總漕親身查驗委實不堪者方許改造倘有可用舊船不行驗明駕運該督撫查明題叅其有過號旗船自行造買赴廠領銀者概行禁止又康熙七年題准漕船改造司造之官親身查驗如有仍可加修再運者卽於歲徵造船料價內量給加修銀兩仍令出運照年扣算

一僉造漕船順治十三年定例除額給料價外將各衛所舍餘閒丁按年編審出納銀兩爲幫

貼之費康熙十九年題定造船料價既有額支銀兩其清出丁銀概飭解部

一停運漕船雖係限滿未經運糧仍令加修出

運

康熙十九年

一江西漕船每隻准帶裝載一百石之小船一

隻其過百石者不准隨帶

康熙三十四年

一各省新陞漕糧船隻不敷舊例動輕齎銀兩

雇募裝運順治十五年題准令各省預爲題請

補造順治十八年題准各省陞糧酌令每船灑



帶外其餘撥減船代運康熙三十四年題定各省陞糧過多停其灑帶總漕將陞科米數預先題明撥船載運

一各省造船料價舊隸船政同知管理除動支額編軍三民七銀兩外倘有不敷或動關稅或動減存并支剩行月銀兩或動輕齎及蘆課銀兩均係該漕臣臨時題請撥補雍正二年題定船政同知已經裁革統歸糧道管理所有不敷料價卽於道庫減存銀兩內動支其蕪湖淮安

杭州等關額供造船銀兩飭令解部

一江淮興武并廬州鳳陽滁州徐州淮安大河揚州儀徵等衛船隻舊例赴清江江寧等廠造成令船政同知管理康熙二十八年題准將清江江寧二廠裁去給發各丁料價自行成造三十三年題准復設清江江寧二廠雍正二年奉旨將二廠船政同知一併裁去統歸糧道管理

一浙省各衛所船隻例於仁和錢塘二廠成造康熙三十四年題准添設船政同知專理歲造

雍正二年奉

旨裁去統歸糧道管理給各丁銀兩自行成造

一山東省各衛所船隻定例赴淮安山東廠照式成造雍正二年奉

旨裁去淮廠歸糧道管理給各丁銀兩自行成造

一造船料價令糧道親身如數給發如有侵扣等弊總漕將糧道等官題叅議處侵扣銀兩嚴

追入官

雍正三年

一東省不產枰木每年應造船隻先期造冊報

部一面給價令委員并老成旗丁預往南省購辦各衛備親督監造如有浮冒剋扣等弊將該糧道并承買官丁題叅造竣呈報出廠登水之日候總漕親加查驗倘不合式及木料不堅實者著糧道賠造濟運并將該衛所等官查叅交

部議處

雍正四年

一漕船十年滿號康熙二十六年定例按各衛所現運船隻每年加一成造雍正四年題定湖南湖北現運漕船俟運滿十年一律請造其餘

各省仍每年照十分之一咨部請造

一排造漕船給過料價取具各弁丁並無需索

剋減印甘各結送部查覈仍俟前項糧船過淮

時令總漕親身查驗

雍正八年

一山東省及江南之廬鳳等衛成造漕船定例

將舊船解廠充作底料如並無底料解廠者應

交銀五十一兩

雍正八年

一江南山東二省歲造漕船每年造冊送工部

考覈如有任意遲緩總漕卽行查叅

雍正十年

一各省滿號槽船令糧道先期請造預備物料  
原船到次卽刻興工倘隱匿不造及請造遲延  
將衛備叅革如將舊船粘補掩飾及造不如式  
將監造官衛備旗丁究擬賠造其糧道不親身  
查驗及徇隱不揭者一併叅處

雍正十一年

一湖北漕船將屆歲造之期該撫預將解部漕  
項銀兩畱貯道庫按限查盤仍先期備料以資

成造

雍正十二年

一各省應造船隻各該糧道將接頂丁名并船

隻數目確查明白咨部如朦混造冊遲悞重運  
者將糧道題叅總漕不行詳查一併議處  
年

雍正  
十二

一湖廣糧艘向例通幫限滿一齊修造運料鳩  
工不無草率易致朽腐乾隆六年題准嚴飭衛  
備旗丁務遵定例按式成造并飭糧道親身查  
驗總漕於過淮時復加詳查如有造不堅固出  
運七八年朽腐者據實題叅乾隆八年湖北適  
遇截漕減歇題准將減存船九十餘隻於乾隆

九年配造自此按限配造

一定例漕船造不如式監造官弁以及糧道均有處分惟賠造船隻不合式樣未經酌定叅處悉革率塞責乾隆八年議令賠造之船務照軍船式樣成造倘有短窄及板木不堅厚者照例將監造官弁及糧道一併題叅究擬

一漕船當滿號之年不照例請造混請朋併減存以致缺少者將督造不力及擅減各職名查

叅議處

乾隆八年



一浙省紹興前後兩幫漕船向係加一成造緣  
奉十年滿號一律報造之文不能符合加一之  
數乾隆十年咨准每幫每年畱歇船八隻將米  
分灑各船加載遞年輪運輪歇以符歲造加一  
之數其輪歇船隻卽以滿號畱存配造不往支  
給三修

一浙省紹興前後寧波前後等四幫漕船向係  
加一輪減將米分灑各船加載以符歲造加一  
之數惟寧波後幫每年滿號船隻盈絀不一未

符加一輪歇之數乾隆十一年咨准嗣後遇滿  
號過多之年應加一輪減在次配造遇滿號不  
足加一將未經滿號修費浩繁之艘暫減一年  
下年仍行起運年滿報造

一湖廣省漕船例用樟梃等木如十年滿號之  
船混用柏木成造者將所造之柏木船隻本年  
暫令出運責令下年賠造將違例之衛備降二

級調用

乾隆十  
二年

一各省漕糧遇有截畱災緩暫減漕船應將減

存船數另冊造報如有漏造者將該道職名查

奏乾隆十

四年

一徐州衛河南前後兩幫額船一百六隻協運  
豫省漕糧向在淮安清江廠成造造竣拉回衛  
輝水次受兌嗣因清江至衛輝程途寫遠恐悞  
兌限乾隆十四十六兩年題准照東省就近打  
造之例河南後幫滿號漕船在臨清塢所成造  
河南前幫滿號漕船在戚城地方成造每丁於  
歲前自備銀兩委員協同該丁先行購料其料

價銀兩仍於江安糧道庫內給發并飭衛弁監  
工督造再委衛備督催工竣詳報河南糧道驗  
看印烙

一漕船滿號例應成造乾隆十七年浙省滿號  
船四十隻因該年糧遇截畱船應減存咨准將  
滿號船內二十一隻派入減存緩俟下年報造  
應出運船一十九隻本年仍行成造

一各省漕船僉造遲延至開兌之時尙無丁無  
船者經僉之員降一級調用同知罰俸一年乾隆

十七

年

一各省漕艘未經足運遽行詳請成造者糧道

罰俸六個月

乾隆十七年

一各省減歇漕船不及時詳請僉造致逾限年

久者糧道罰俸九個月

乾隆十七年

一滿號漕船例應裝運交糧回次後興工成造

如有以恐誤造船之期遽行雇募者將衛千總

叅處

乾隆十八年

一浙江嘉興衛所幫額船四十九隻杭州衛頭

幫額船五十五隻以船多糧少幫丁貧疾乾隆  
二十年咨准照寧紹等幫之例將滿號船隻加  
一輪減畱次成造糧灑通幫裝運漕截錢糧按  
糧分給各丁

一向例各省歲造漕船用過工料銀兩俱入漕  
項奏銷冊內送部科查覈惟江安浙江山東三  
省造報倉漕奏銷之外又有考覈事一案造冊  
具題未免重複乾隆二十年題准嗣後將考覈  
案內冊籍彙同奏銷各冊一併分送部科覈銷

考覈一疏毋庸重複具題

一湖北歲造漕船向係題請成造造竣咨報覈銷湖南則係咨請成造工竣具本題銷兩省既不畫一乾隆二十年題准俱照江浙等省咨請成造歸人奏銷案內覈銷

一乾隆二十一年咨准各省滿號船隻減存之日卽令概行拆卸聽候配造以免風濤漂失之患

一運丁串名朋造該管同知千總俱罰俸九個

月

乾隆二十三年

一山東省成造漕船除有事故買雇等船扣除減歇年分外其無事故者仍照舊例十年滿號查明不堪修運咨部請造嗣後各省成造漕船其已滿出廠年分因減歇未足十運而木植朽爛必須成造一併聲明報部酌議各該糧道毋

得濫行詳請

乾隆二十三年

一湖南省漕船十年大造及事故賠造俱係衛備之責但各省守備多近屬水次得以親行監



督湖南則祇岳州一衛駐劄水次而荊州等衛  
守備俱相隔寫遠每年造船旗丁赴衛領銀歸  
次成造在衛備有徵收屯餉錢糧之責多不親  
身赴次而又不許詳委監造之員於是不肖旗  
丁得以自由錢糧不歸實用船身不固查漕船  
係千總出運堅與不堅乃其利害切身之事嗣  
後湖南各衛成造漕船俱令各該幫千總監督  
或不能堅固如式將千總衛備一併叅處

乾隆二十

四年

一各省滿號漕船不堪修運之艘卽行報造如果驗明尙堪加修卽取具修固各結送部毋得

濫行詳請致干叅處

乾隆二十四年

一徐州衛江北幫歲造漕船向在江寧府設廠成造因回次較遠羈遲受兌乾隆三十一年爲始改於夏鎮地方成造應辦木料先期運廠濟

造

乾隆三十一年

一安慶衛前後兩幫輪減歲造船十一隻遞年

按照出版年次第挨次輪減成造

乾隆三十三年

一廬州三幫漕船漂沒成造不及應行雇募該年漕糧輪蠲該船派減無需雇募彙入下年成

造

乾隆三十四年

一臨清河南前後幫滿號歲造船二隻爲數無幾毋庸往南購料在沿河慎選採買又德州幫上屆應造加修二運船八隻今復請加修二運恐歷年太久船身不能堅固令彙入本年歲造案內打造出廠

乾隆三十四年

一安慶衛前後兩幫應行歲造漕船該年額漕

蠲免緩俟下年補造

乾隆三十五年

一大河前幫賠造漕船節奉派減已滿十年咨

請成造部議十年准造之船專指無事故之船

而言該船係有事故賠造之艘仍令加修足運

再行請造

乾隆三十五年

一官員委造漕船遲悞冬兌冬開革職

乾隆三十五年

一浙江省處州前後金衢所台州前後杭嚴二

等幫漕船乾隆三十五等年咨准照安慶衛之

例加一輪減應運米石分派加裝漕截銀兩分

給現運行月三修等項銀米全行節省嗣於乾隆五十七年咨准照寧波等幫一例復給行月以資調劑

一淮安頭幫滿號八船本年應行成造因抵壩淺攔回空較遲趕造不及應運漕糧暫行雇募

兌運俟下年再行成造

乾隆三十六年

一淮安頭二大河前二等幫滿號應造船二十

九隻該年淮水漫溢運田淹沒丁情未免拮据

卽派入截漕案內減存在次下年再行成造

乾隆

三十  
九年

一長淮衛宿州頭二兩幫每年歲造漕船於七  
八月間彙同廬鳳等衛造冊請造該二幫造船  
水次在五河縣等處由江寧採辦木植江湖寫  
遠冬月始能到次爲期迫促請於三四月間領  
銀辦料俟回空歸塢卽行趕造每年先行專案

詳咨毋庸彙案辦理

乾隆四  
十年

一泗州後幫旗丁黃同林等滿號十船業經詳  
咨准造該幫本年輪兌淮糧計輪減船十隻各

丁因被災之後方難辦運卽將應造十船派入

輪減緩至下年成造

乾隆四十年

一温州後幫額船五十隻湖州所幫額船三十

九隻以船多糧少所領錢糧不敷辦運咨准將

滿號船隻畱存在次下年配造其輪減船隻應

兌之糧勻灑通幫帶運

乾隆四十二年

一嘉興白糧幫額運白糧船三十八隻改漕船

三十八隻厯運已久並不更換咨准將年滿之

船畱次配造仍令運白各船灑帶白糧運漕各

船漚帶改漕

乾隆四  
十三年

一安慶前後兩幫每年額運船一百一十一隻  
加一輪減船十一隻乾隆四十四年起運漕糧  
船已足額並無應減滿號漕船咨准將四十三  
年輪造船隻停至四十四年冬成造以紓丁力

一泗州衛前幫淮安衛頭幫二幫三幫揚州衛  
頭幫二幫三幫大河衛前幫鳳陽衛鳳中二幫  
江淮衛二幫興武衛五幫滿號應造漕船該幫  
等坐兌各屬漕糧或奉文蠲免或因災減歇無



糧可裝或船身堅固尙堪加修出運咨准緩俟

下年成造

乾隆四十五等年

一徐州衛河南前後兩幫並江北幫滿號應造

漕船因徐屬被災力難辦造咨准緩至下年成

造以紓丁力今冬應運新漕將朽腐各船咨請

雇募其餘船隻加修兌運

乾隆四十七等年

一淮安衛三幫上年滿號因災緩造船隻本年

復因災減仍請緩至下年成造

乾隆四十八年

一淮安頭幫旗丁沈履豐漂沒准造漕船因該

丁土住田產被淹力難辦造咨准照賠造不及之例暫行雇募一年不算運數俟下年成造以

紓丁力

乾隆四十八年

一安慶後幫旗丁張淋漕船被木筏撞沉拆板先經總漕議令木商賠銀給丁配造嗣因該船已歷七運咨准買補議令將來運滿成造之年不得復請動用官項

乾隆四十八年

一協運豫省之徐州河南前幫歲造新船原在淮安清江地方設廠成造嗣因離次窳遠改於

夏鎮今夏鎮地方每遇湖河泛漲辦造維艱題  
准在於臨清胡家灣地方作爲前幫造船如官  
地不敷用及民地每畝議給賃銀四錢並照山  
東之例於頭年造冊詳咨之後發給料價銀兩

預爲購辦

乾隆四十八年

一湖南荊州荊左荊右沔陽岳州五衛滿號漕  
船三十二隻咨奉部覆准其成造每船除例給  
料價并舊船抵新銀兩外又由衛徵給正造費  
銀荊州荊右二衛每船各四百八十兩荊左衛

每船六百兩沔陽衛每船四百兩岳州衛每船  
三百九十二兩零給丁成造不敷之數向係同  
伍什軍公幫再有不敷造丁自行辦理乾隆五  
十年該衛等屯田被災歉收幫銀軍戶殊形竭  
歷奏桂荆左衛三船各借給銀二百兩其餘四  
衛二十九船各借給銀三百兩共銀九千三百  
兩在於徵存漕費充公銀內借發各丁領造分  
作三年在於各造丁同伍什軍內催繳歸款

乾隆

五十  
年

一江南等省建陽衛寧太幫旗丁李開啟等滿  
號應造船隻坐兌各屬漕糧奉文蠲緩船多減  
歇或因屯田失收丁力拮据咨准派減緩俟下  
年成造已買物料加謹封貯未用料銀提解道  
庫歸款

乾隆五十  
一年

一大河等衛幫旗丁王愷年等滿號准造船隻  
因屯田失收丁力拮据咨准緩俟下年成造其  
應運糧米灑帶運通耗贈錢糧分給各丁濟運  
乾隆五十

一年

一廬州等衛幫旗丁常崇厚等滿號准造漕船

因漕糧蠲免屯田失收咨准緩候下年成造除

派減外其餘糧米仍令雇募兌運

乾隆五十一年

一鳳陽等衛各幫滿號准造船隻所領料銀業

已採買木植因木料阻滯興工無期該幫額兌

漕糧船隻多有因災減歇咨准派減緩造

乾隆五十一年

年

一江淮衛八幫旗丁陸仁回空失風拆板例應

賠造船隻上年因賠造不及咨准暫行雇募次

年復因秋禾被災丁力拮据實難賠造再請雇

募一年緩俟下年賠造

乾隆五  
十一年

一淮安衛二幫旗丁何大典六運漕船失風拆

板例應賠造因該幫應兌漕糧災減無船起運

咨准緩俟下年賠造

乾隆五  
十一年

一淮安衛頭幫旗丁劉尙賓等滿號淮造及失

風拆板例應賠造船三隻因屯田失收丁力拮

据該年輪兌常屬漕糧本有餘船三隻例不出

運亦不支苫蓋等項錢糧咨准派入餘存減歇

俟下年分別成造賠造

乾隆五  
十一年

一大河前幫旗丁蘇郭王減船失風拆板例應

賠造因該年屯田失收丁情困苦咨准緩俟下

年賠造糧米雇募兌運

乾隆五  
十二年

一場州衛二幫旗丁陸慶雲等上年滿號緩造

船隻因連年被災丁情困苦各該幫額兌漕船

因災減歇咨准派入減存再緩一年成造

乾隆  
五十

二  
年

一泗州前幫旗丁孫同揚等漂沉船隻例應賠



造買雇欽奉

恩旨免其賠補官給料價成造嗣因丁力竭屢該幫本

有輪減災減船隻咨准派減緩俟下年成造官

給料價追繳道庫歸款

乾隆五十二年

一廬州頭幫旗丁常崇厚等上年滿號緩造及

本年滿號應造船三十隻因屯田連年被災咨

准緩俟下年成造內除派減船四隻雇募起運

船十五隻外其餘十一船因無船可雇准將糧

米灑帶運通

乾隆五十二年

一淮安二幫旗丁朱四義減船調撥代運江西  
袁州幫旗丁彭丁李漕糧失風沉溺經總漕議  
令彭丁李賠銀八百兩在於江西道庫備存幫  
丁風火事故銀內動給朱四義領回配造因該  
年輪兌漕糧本有應減船隻淮屬又無大料可  
購一時賠造不及咨准派減緩造

乾隆五十二年

一大河二幫旗丁熊太占滿號應造船隻因運  
田失收咨請緩造糧米灘帶運通戶部以該幫  
額漕較多恐致負重不准灘帶仍令雇募民船

兌運

乾隆五十二年

一安慶衛後幫旗丁張淋漕船於乾隆四十七年被木筏撞沉拆板經總漕議令木商賠銀六百兩給領配造嗣因該船已歷七運咨請買補其時幫船已經開兌在其買補足運仍令將來運滿成造之年不得再請動用官項續因張淋業已病故木商賠給銀兩買雇民船用盡咨請官給料價部議准其暫動官項給新丁殷四公領回購料趕造仍於張淋家屬名下嚴追歸款

並將從前辦理錯悞及此次率准動用官項之

道衛查奏

乾隆五  
十三年

一黃州衛旗丁蘇六僕滿號應造船隻因田禾  
失收丁力拮据咨准暫行雇募一次俟下年成  
造又周天生等船俱係賠造之艘例應扣除雇  
募及停運二次僅厯九運尙未滿號仍令雇募  
足運於下年成造

乾隆五  
十四年

一湖北三幫旗丁阮繼先等淺攔拆板例應賠  
造船隻因減歇在次咨准俟減歇之年秋冬賠

造接運

乾隆五十四年

一宿州頭幫旗丁沈希堯漕船失風甫歷一運例應賠造因丁力本屬貧疲又兼連年被災實難一運兩造該幫現有災減船隻咨准派減緩俟下年成造

乾隆五十四年

一浙江湖州白糧幫額船四十五隻糧少船多乾隆五十四年咨准照嘉興等幫之例將每年滿號船隻遞年加一輪減存次配造以免雇募賠累所有輪減白糧派令運白各船灑帶改漕

米石派令運漕各船帶運白糧經費米折錢糧  
照額給發行月錢糧全行節省嗣於乾隆五十  
六年咨准復給行月添補成造

一浙江寧波衛前幫後幫紹興衛前幫後幫杭  
嚴衛三幫四幫嚴州所幫溫州衛前幫節漕水  
淺凍阻實屬疲困准將各該幫漕船於十運滿  
號之年存次配造糧米分運通幫帶運免其雇  
募俾現運之丁多得漕截負重以濟運務滿號  
之丁可省行月錢糧以資造費

乾隆五  
十五年

一江南廬州衛頭幫二幫三幫五幫六幫揚州  
衛頭幫淮安衛頭幫二幫四幫蘇州衛前幫後  
幫鎮海衛前幫後幫鎮江衛前幫後幫滁州衛  
蘇州幫大河衛二幫三幫近年屯田失收各丁  
造運賠累准照浙江寧波等幫之例將各該幫  
已歷九運漕船於十運滿號之年存次配造免  
其雇募糧米分漕通幫帶運應支酒贈負重及  
行月錢糧照額給發現運並滿號各丁以濟造  
運嗣後如有九運船隻責成各該衛照舊雇募

足運不得以丁情疲困遽請灑帶

乾隆五十六等年

一宜州徭旗丁壽華章等船因貼造不及無船

可雇暫行灑帶一次不准接算運數至例准買

補一二年後即可成造之船灑帶亦准算運

乾隆

五十七年

一淮安四幫旗丁藍紹周漕船失事賠造後扣

除減歇一次僅止九運派入輪減存次配造糧

米灑帶運通奉檄不准派留若令加修已屬不

及咨准於下年修固補運將不行詳查遽行減



歇之該幫千總議處

乾隆五十八年

一浙江嘉海衛幫額船十七隻每年輪減船二隻奉部復給行月嗣後輪減滿號應造者准給行月如非年滿應造及逾於加一之船均不得

交給銀米毋庸輪減以歸畫一

乾隆五十八年

一浙江省歲造漕船因非產木之鄉每隻額領料價不敷成造通幫衆丁議貼公借銀三百六十兩先於春夏之交由道庫墊借前赴外江購料運回興工仍於各丁冬運行月銀內扣還歸

款不得於縣庫漕截項下弔補至漕截銀兩務  
於當年十月內全數徵解道庫給丁濟運如有

遲悞照例叅處

乾隆五十九年

一徐州衛江北幫旗丁王培祥漕船於乾隆五  
十四年失風賠造之後已經補足運數應入五  
十九年分歲造因該船尙屬堅固緩至六十年  
成造嗣因該船板縫尙堅堪以加修再出一運

復緩至來年成造

嘉慶元年

一山東省德州等幫向無漕船該丁自赴直隸

雇船裝運豫省漕糧輪免船二百七十一隻減  
歇東省水次除豫省應運密雲保雄兵米船三  
十二隻外其餘船隻奏准儘數撥給東省兌運  
漕糧並密雲良鄉等處兵米之用如再不敷仍

令自行雇用

嘉慶元年

一各省漕糧已奉蠲緩無需糧船出運旗丁等

滿號應造船隻准其俟下年再行給料成造其

九運雇募等船亦准俟下年照例雇船接運

嘉慶

元年

等年

一各衛應造漕船因造丁房地被淹或屯坐地方疊被災傷或被賊滋擾丁情竭蹶造勘各費催徵無出准其緩俟下年成造其應運新糧暫行雇募民船裝運

嘉慶二年等年

一東省濟寧前後兩幫停減船隻奏明撥給例應雇船之濟寧左右兩幫湊裝不惟可省減船苦蓋錢糧且頭舵人等亦可藉資工食免致曠

閒  
嘉慶三年

一浙江漕白各幫歲造新船向有通幫每船公

借銀三百六十兩每年於春夏之交道庫先行  
墊放於冬間應領新運錢糧內扣還歸款嘉慶  
三年各幫蠲漕停減並無應領新運錢糧下年  
又有成造新船未便一運而扣兩年公借援照  
奏准分限之案自嘉慶四年冬運爲始分限六  
年按限扣繳至公借銀兩永存項下不敷支放  
准於道庫現存

恩借息銀款內存留銀四萬兩以備支放

嘉慶三年

一湖北武昌衛嘉慶二年滿號六船選僉旗丁

王六十等因從前賊匪滋擾拋產失業實難議  
幫造費往其派入減歇緩俟嘉慶四年秋趕造

受兌

嘉慶四年

一江西信豐所原編餘租銀兩除屯糧正耗及  
祀漕香火等銀并定例造運兩費及遇賠造雇  
募拆修及議撥饒州所濟運等銀外在於積存  
銀內每造一船加給銀三百兩每運一船加給  
銀六十兩每大修一船加給銀五十兩又該所  
軍船遇有風火事故例應賠造者加給銀三百

兩買補者加給銀一百六十兩雇募者加給銀

一百二十兩

嘉慶四年

一浙江溫浚等五幫成造漕船奏明自嘉慶七  
年冬運起量爲停造船一十八隻其應運米石  
照數按幫帶運至各船應支行月等項銀米按  
款攤給各丁以紓丁力其停造拆卸船隻准其  
每船照例變價銀五十一兩呈繳道庫

嘉慶八年

一江西建昌所各丁因額給造費不敷請每造  
一船加給銀五十兩覈與信豐所增給之案事

金華志卷之十一  
三  
同一例奏准在於餘租積存銀內支給

嘉慶十年

一湖南荆左衛旗丁宋黑浩等船係嘉慶五六  
兩年滿號應造疊因屯坐被災連年請緩飭令  
設法趕辦遲至嘉慶十年漕糧業已開兌始以  
實在不能成造復請雇募將辦理錯悞衛備職  
名咨送兵部議處

一江南淮安三幫旗丁王孫景嘉慶十三年滿  
號漕船因黃水漫溢田禾被淹咨往緩入十四  
年成造至十四年該丁田廬復被災浸力難辦



造准將該船派入災域遞緩一年成造以紓丁力

一廬州衛原五幫旗丁秦全福等輪造三船因屯田被災屯戶無力幫貼咨准雇募民船出運緩俟下年成造

嘉慶十七年

一江洋頭二四五九興武二四五六九鳳常鳳中二等十二幫九運船隻例應雇募出運迨運回之日又屆大造一年之內雇造並舉丁力實屬拮据奏准免其雇募按照加一留次配造應

運漕糧通幫灑帶本船行月銀米添補造費漕  
贈負重等項錢糧分給灑帶之丁瞻運其各幫  
失風事故船隻亦免補足十運按照加一輪減  
以紓丁力

嘉慶十  
七年

一浙省失風事故船隻如遇災減概不算運嘉  
慶十年奏准嗣後失風事故船隻一體免其補  
足十運嘉慶十七年咨准台後等幫旗丁毛錦  
榮等失風漕船第九年列入災減第十年輪減  
成造

一建陽衛寧太幫辦丁夏正英等四船已歷十  
運因同時請造卽逾加一之數咨准緩俟下年

成造

嘉慶十七年

一各省旗丁成造漕船每隻例給料價銀二百  
八兩零原藉屯田幫補運造浙省屯田每船只  
有一頃零並無別項幫貼且非產木之區旗丁  
賠累過重漕督奏准每船除原給銀二百八兩  
零外添給銀五百九十餘兩以嘉慶十六年新  
造爲始於裁船減存行月銀內撥給

嘉慶十七年

一湖北德安所旗丁鄭俊等輪造三船因州縣被旱造費無出漕糧緩徵無須出運咨准緩俟

下年給料成造

嘉慶十年

一山東濮州幫劉大喜等滿號七船因屯田被災過重丁力難支咨准緩至下年成造

嘉慶十年

一宿州頭幫洪塘所旗丁趙怡榮輪造漕船因

盱眙縣漕糧被災全船減歇派入災減咨准緩

俟下年成造

嘉慶十年

一宣州衛幫旗丁湯三貴等滿號四船輪應嘉

慶十九年成造該衛屯田被災甚重該幫額兌  
漕糧因災蠲緩減船較多咨准該四船緩至二  
十年成造

嘉慶二  
十年

一廬州衛原二三六等幫旗丁張呂順等輪造  
漕船十五隻各丁屯田坐落六安等州縣俱被  
旱災其兌糧之長洲等縣亦被災緩徵咨准緩  
造派減如需起運循例雇募兌運

嘉慶二  
十年

一淮安等幫旗丁施永康等輪造五船應給料  
價未據請領准其派入災減緩俟下年成造旗

丁姚作棟等二船料價業經給領自應成造出  
運率行派入減歇違例職名行令送部覈議并  
令嗣後各衛幫輪減船隻務須挨順年分按數  
成造不得藉災停減緩造

嘉慶二十  
年

一泗州後幫旗丁戴雨齊等四船嘉慶十八年  
總漕派入灑帶免雇咨部因該丁船均係嘉慶  
八年分出廠並無失風事故已歷十運行令照  
例辦理嘉慶二十年總漕復請派入減歇緩俟  
下年成造部議因災緩造船隻並無遞緩之例

仍飭遵例成造

一浙江台州衛前幫等幫運丁劉騰蛟等嘉慶  
二十二年滿號十三船寧波後等幫運丁徐江等  
嘉慶二十一年滿號十二船均逾於加一緩俟  
各下年成造

嘉慶二十二年  
十一等年

一淮安衛三幫旗丁姚作棟等五船例應嘉慶  
十八年成造因災緩造令歸十九年歲造總漕  
查該丁船實係於二十年成造完竣咨請仍歸  
入二十年歲造案內辦理嗣後不得援以爲例

遲例職名仍查取送部覈議

嘉慶二十二年

一鎮江前後兩幫額運船一百七十五隻嘉慶二十年只請造船五隻尚有過號滿號船三十隻加修出運部議覈與加一成造定例不符駁令嗣後請造船隻務遵定例按數成造以昭覈

實

嘉慶二十二年

一浙江省滿號漕船加一輪減存造如逾於加一專案咨部緩俟下運成造嘉慶二十一年歲造杭嚴頭等幫輪減請造船隻較每年多輪減



船一隻據查十年週轉並無逾額多造令嗣後  
通飭各幫如遇輪減船隻數多之年務須追溯  
十年輪減之數覈明有無逾額分晰報部覈辦  
嘉慶二  
十二年

一江興二衛十八幫額船九百六十一隻運丁  
快丁各半分僉快丁船四百八十一隻運丁船  
四百八十隻嘉慶二十三年因陸續僉換快丁  
尙有十五船未換計運丁自運船四百九十五  
隻快丁自運並捐貼運丁代辦共船四百六十

六隻凡遇十年滿號每船給料價銀二百八兩  
七錢七分四釐鑛夫銀五十兩又清屯加津費  
給銀一百七十四兩底料給銀十二兩七錢五  
分其快丁捐貼運丁代辦者逢造之年貼造費  
銀三百兩以助工料共可領銀七百餘兩足敷  
辦造惟運丁自運之船遇造領價銀四百餘兩  
較之代辦快丁漕船每隻計少貼費銀三百兩  
近年物料增昂實滋賠累奏准每造一船酌加  
造費銀三百兩每年需銀一萬四千八百五十

兩此後更僉快丁之船隨時扣除至此項加增  
造費籌撥開款銀十四萬兩交商發典按月一  
分起息計每年生息銀一萬六千八百兩除支  
銀一萬四千八百五十兩貼給運丁外餘銀一  
千九百五十兩遇閏加息銀一千四百兩均按  
年存貯以備公用所需銀款蘇藩庫有兩淮應  
解鹽規運費銀四萬兩就近發准商生息江糧  
道庫提銀五萬兩蘇糧道庫於積存耗羨項下  
提銀四萬兩扣存二二平餘項下提銀一萬兩

發交有漕各府州交典生息自發本之日爲始  
扣滿一年解交蘇糧道按船支給以資造費

一江興二衛酌加造費動撥司道庫銀十四萬  
兩生息歲餘銀一千九百五十兩遇閏加息銀  
一千四百兩按年存備公用嘉慶二十三年查  
有長淮頭幫額運漕白船四十九隻加一成造  
每年應造船四隻九分每船額領料價銀二百  
八兩七錢七分三釐又清屯案內議將壽州加  
津銀內撥給每船應攤銀九十八兩八錢零計

每造船一隻應支共銀三百七兩六錢一分四釐近年物料增昂實屬不敷該幫丁疲力乏與江淮興武等幫無異奏准每船酌給造費銀一百五十兩計每年需銀七百三十五兩卽於江興等幫每年餘存息銀內動給於體卹之中仍示區別各幫不得援以爲例

嘉慶二十三年

一、廣州三幫旗丁金鳳武失風漕船因屯田被旱咨准派減緩俟下年賠造並令嗣後例應賠

造船隻不得再行請緩

嘉慶二十三年

一揚州三幫旗丁尤懷燕漕船滿號後歷十餘  
年始請修造因該衛并未將應行減歇丁名及  
年第船身報道無從稽覈咨准將衛幫違例隱  
匿不報職名送部覈議糧通職名免送

嘉慶二十五年

一道光二年湖南二幫旗丁張文川陶功桐黎  
錢宗三船屯田被淹奏准暫停造運以紓丁力  
糧米分灑南省二幫各船帶運應支京腳行月  
等銀卽令分給灑帶各船俾資貼補

一鳳陽衛軍丁內有兌運天長縣洪塘所四船

前因僉丁承造竭蹶奏將原船暫停造運十年  
俟該衛丁漸有起色再行酌辦道光二年據奏  
察看該丁應造船隻雖經減歇十載惟連年田  
廬被災丁力較前尤爲拮据其應兌天長縣漕  
糧分灑揚州二幫帶運每船加裝米石無多衆  
丁相安已久奏准永停造運所有應兌糧米仍  
著分灑揚州二幫帶運以紓丁力

一山東省造船向係南省購買木植給予減半  
月糧道光二年該省請造漕船四十五隻六船

在本省採買三十九船赴南京購辦所有就近  
購料之六船支過減半月糧飭令按船追繳

道光

三  
年

一道光三年湖北二幫旗丁王三等回空三船  
失風沉溺起運糧米均已交納全完所有沉溺  
船隻准其官給料價飭令成造嗣據該漕督以  
丁力拮据不能即時領價集費造辦咨准將該  
三船歸入被水州縣緩漕應減船隻項下俟來  
年給料成造



漕行駁令六七兩年應造之船統於七年冬併

造以後按年成造不准推緩

道光七年

一湖南荆左荆右沔陽等衛旗丁王正威等道光六年輪應大造四船該丁等屯坐被災逆費無出咨准歸入減歇緩俟下屆成造

一鎮江前後兩幫並金山幫道光五年應造漕船因蘇省漕糧議由海運緩至六年成造其六年應造船隻遞緩至七年成造嗣據漕督請將金山幫七年冬應造之船仍緩至八年成造部

議駁令按限購料併造不准遞年推緩

道光七年

一廬州等衛幫旗丁祁得周等道光五年分應  
造四船因逾於加一聲明緩造嗣復因逾額咨  
請遞緩部議該四船業經緩造一次何得復緩  
若將上年應造之船一緩再緩則該船竟可永  
違免造何以濟運飭令照例辦理

道光七年

一安慶後幫旗丁余兆熊馬錦春等上年船留  
河北腐朽無用請買江廣陳李昌等二船回次  
據漕督咨稱馬錦春趕緊加修候兌新漕其余

兆熊一船應入六年新造因本年出運已足船額是以停緩部議馬錦春船業據客稱朽腐無用何以任令加修候兌新漕余兆熊一船如因本年出運已足船額糧少船多卽應按糧派減亦不應任其停緩不造令將該二船歸入歲造案內成造報部并查應議職名送部覈議道光七年一長淮衛旗丁王道顯接頂王黃卽漕船連年減歇經漕督咨稱因起運船少災減船多且有全幫減歇之年派減職名請免查議部議派減

船隻自應擇其出廠年久之船輪流減歇令將各年起運災減船數及全幫減歇年分報部查

覈

道光七年

一江淮頭幫原頭所額船三十一隻因十年之內應有一年派灑四船咨准援案辦理并令嗣後免雇船隻總不得逾於加一之額其造送免雇冊內按幫聲明免雇各數毋致朦混

道光七年

一江淮五七八興武三四五六七八等幫每年共應造漕船四十二隻若以道光五六兩年緩

合船分別停緩出運漕督奏准將蔣法元船屯  
坐朱家垸被淹七股與李家順船屯坐楊莊垸  
被淹三股合爲一船暫停造運應運糧米分釐  
一二幫各船帶交應得京腳行月生息等項銀米  
分給灑帶各船俾資貼補其蔣法元船坐落老  
成垸屯田三股與李家順船坐落鄭家垸屯田  
七股均屬高阜有收之處卽合爲一船食丁造  
運以紓丁力俟將來各垸積水稍涸屯產佈種  
有收仍分兩船籌辦起運

一揚州衛儀徵幫旗丁何有昆等漕船均係道光五年輪造之艘因糧歸海運咨准緩至六年成造嗣後應造之船毋得率行請緩

道光六年

一蘇州太倉鎮海三衛前後六幫漕船十年大造每船實需銀一千六七百兩除例給料價外尚需賠貼銀一千三百兩造丁獨力難支全賴通幫協濟道光五年冬應造漕船三十四隻緣蘇省新漕議由海運緩至六年成造而各該幫六年冬又有遊號船三十三隻亦應於六年冬

成造若一併造辦丁力難支咨准將道光五年分緩造船隻先於六年冬成造其六年分應造船隻遞緩至七年冬成造嗣後丁力充裕仍當一律備造以復舊規

道光六年

一大河二三兩幫向因額漕較多恐致負重不准攜帶道光七年漕督咨請將該幫六年應造船隻緩至下年再造部議駁令照例雇募兌運不許灑帶惟應造船隻業經趕造不及飭令統限下年併造齊全不准再有逾緩

一揚州三幫泰州所旗丁任錫朋等輪造漕船

因雨水過多屯田失收兌運漕糧因災停緩咨

准派人災減緩俟下年成造

道光七年

一江淮五七八興武三四五六七八淮安頭二

四揚州衛儀徵等幫據漕督咨道光五年應造

漕船因糧歸海運緩至六年成造其六年分輪

造船隻請緩至七年成造并請嗣後應造船隻

按年遞緩部議各幫輪造漕船應遵定例辦理

若皆援案請緩出運船少灑帶糧多勢必有誤



漕行駁令六七兩年應造之船統於七年冬併

造以後按年成造不准推緩

道光七年

一湖南荆左荆右沔陽等衛旗丁王正威等道光六年輪應大造四船該丁等屯坐被災茫費無出容准歸入減歇緩俟下屆成造

一鎮江前後兩幫並金山幫道光五年應造漕船因蘇省漕糧議由海運緩至六年成造其六年應造船隻遞緩至七年成造嗣據漕督請將金山幫七年冬應造之船仍緩至八年成造部

議駁令按限購料併造不准遞年推緩

道光七年

一廬州等衛幫旗丁卹得周等道光五年分應造四船因逾於加一聲明緩造嗣復因逾額咨

請遞緩部議該四船業經緩造一次何得復緩

若將上年應造之船一緩再緩則該船竟可永

違免造何以濟運飭令照例辦理

道光七年

一安慶後幫旗丁余兆熊馬錦春等上年船留

河北腐朽無用請買江廣陳李昌等二船回次

據漕督咨稱馬錦春趕緊加修候兌新漕其余

兆熊一船應入六年新造因本年出運已足船額是以停緩部議馬錦春船業據客稱朽腐無用何以任令加修候兌新漕余兆熊一船如因本年出運已足船額糧少船多卽應按糧派減亦不應任其停緩不造令將該二船歸入歲造案內成造報部并查應議職名送部覈議

道光七年

一長淮衛旗丁王道顯接頂王黃郎漕船連年減歇經漕督咨稱因起運船少災減船多且有全幫減歇之年派減職名請免查議部議派減

船隻自應擇其出廠年久之船輪流減歇令將  
各年起運災減船數及全幫減歇年分報部查

覈

道光七年

一江淮頭幫原頭所額船三十一隻因十年之  
內應有一年派灋四船咨准援案辦理并令嗣  
後免雇船隻總不得逾於加一之額其造送免

雇冊內按幫聲明免雇各數毋致朦混

道光七年

一江淮五七八興武三四五六七八等幫每年  
共應造漕船四十二隻若以道光五六兩年緩

造船隻統於七年併造丁力難支議將六年分  
推入七年應造之船飭令於七年冬一律成造  
其七年冬應造之船自道光八年冬起如每幫  
額造船五隻以上酌分三限帶造在五隻以內  
分兩限帶造以紓丁力所有八年分及以後應  
造之船仍按年照例分別派灑成造不准延緩

道光  
八年

一江蘇省蘇太海三衛各前後幫本年應造漕  
船三十三隻因七年分新漕海運咨請推入下

年成造部議蘇松漕糧業經欽奉

諭旨仍由河運本年應造船隻仍令照舊辦理不得

按年遞推致誤漕運

道光八年